

Mbouj Caengz Yawjraen Saeh- cingz Caez Couh Gaej Guh Gietlwnh

没有看到事情的全貌就别妄下结论

Cietsingqdanq daengz lo, beix Bauj Loz soengq de gyaq ci moq ndeu. Ngoenzde, de lizhai bangunghsiz seiz, miz boux nyezsai he youq henz ci moq de cienj bae cienj dauq, lij cam de: “Daxau, gyaq ci neix duh mwngz?”

Bauj Loz ngaekgyaeuj naeuz: “Dwg a, aen neix dwg gij saenzcingz cietsingqdanq beix gou soengq hawj.”

Nyezsai neix doeksaet caez, mbajdwddwd dwk cam: “Mwngz naeuz gyaq ci neix dwg beix mwngz soengq hawj mwngz, mwngz mbouj yungh ok faen ngaenz ndeu? Gou hix maq-muengh ndaej……”

Bauj Loz nyinhnaeuz de maq-muengh hix miz boux beix he soengq de gyaq ci ndeu, hoeng gij vah nyezsai

neix gangj hawj ndawsim Bauj Loz gig saenqdoengh.

“Gou maqmuengh swheij ndaej bienqbaenz boux beix he soengq gyaq ci ndeu hawj nuengx.” Nyezsai neix laebdaeb gangj.

Bauj Loz yawj nyezsai neix, gij vah cung ok bak daeuj: “Mwngz siengj mbouj siengj naengh ci gou bae youz yaep he?”

Nyezsai neix angq dangqmaz, diemzsubsub dwk naengh hwnj ci. Gyaq yaep he, de cam Bauj Loz: “Daxau, mwngz ndaej mbouj ndaej hai ci daengz baihnaj bakdou ranz gou?”

Bauj Loz riu lo, de naemj naeuz nyezsai neix itdingh siengj coh

ranznden de angj, hawj caezgya cungj rox de ndaej naengh ci dauqma. Yaek daengz ranz de seiz, boux nyezsai neix gouz Bauj Loz dingz ci gyawj mbaeklae naj bakdou ranz de di.

Boux nyezsai neix buet hwnj mbaeklae, gyaq yaep ndeu Bauj Loz dingqny sing de dauqma, hoeng lumjnaeuz miz di numq. Yenzlaiz de daiq nuengx ga'gvez de okdaeuj, menhmenh cuengq nuengx de youq gwnz mbaeklae, gaenjdaet dwk got nuengx de caemhcai vix gyaq ci Bauj Loz naeuz: “Mwngz yawj, gyaq ci moq neix couhdwg gou ngamq caeuj mwngz gangj. Gyaq ci neix dwg beix boux daxau neix soengq hawj de bw!

Doeklaeng gou hix rox soengq gyaq ci yienghneix hawj mwngz, daengz seizhaenx mwngz hix ndaej youq cietsingqdanq seiz bae yawj gij doxgaiq gyaundeit conghcuengh bouqdaeuz venj haenx lo.”

Mbouj siengj daengz, gaxgonq Bauj Loz youh cai loeng lo. Bauj Loz roengz ci daeuj umj boux nuengx ga'gvez haenx daengz ndaw ci naengh, caemhcai heuh boux nyezsai neix hwnj ci, naengh youq henz ndang nuengx de. 3 boux vunz neix couh haindux naengh ci bae youz lo.

Haemh cietsingqdanq neix, Bauj Loz cij rox eiqsei gij vah neix——mbouj caengz yawjraen saehcingz caez couh gaej guh gietlwnh!

Saenzcingz

礼物

Aiq mbouj rox bienq laux, gij de ce roengzdaeuj dwg feiz itcig coemh dwk caeuj ronghlwenq ciengxlwenx mbouj rox ndaep, gwnzbiengz neix lij miz, couhdwg aeu de guh bwnh.

——Cojlah

Gij gojsaeh neix youq ndaw cigunghgyauh fatseng. Gyaq ci neix cingq coh baihnaz menhmenh haibae.

Miz bouxlaux byomnyieg he naengh

ndaw ci neix, ndaw fwngz de gaem bog va ndeu, ci hai gvaq gyaudangz seiz, hwnjdaeuj boux dahsau he, de itcig mbouj nyeng gyauej dwk yawj bog va ndaw fwngz bouxlaux haenx.

Daengz bouxlaux neix yaek roengz ci seiz, de sawqmwh hawj boux dahsau neix bog va de gaem haenx. De naeuz: “Gou yenzlaiz dajsuenq soengq bog va neix hawj yah gou, hoeng, gou yawj ok mwngz gyaec bog va neix dangqmaz, gou siengj yah gou hix angq dwk soengq hawj mwngz. Gou rox lwnh hawj de gou gaenq soengq bog va neix hawj mwngz lo.”

Boux dahsau neix gaem maenh bog va bouxlaux neix soengq hawj, dasoengq bouxlaux neix roengz ci, yawjraen de menhmenh byaij daengz bakdou aen mohcungq he.



Gingjsaek Byaswngdangz Ginhsiu Guengjsae.

Boux nungzminz ndeu, cij ndaej doeg 2 bi cuhcungh, ranz de couh mbouj miz ngaenz hawj de laebdaeb doeg roengzbae lo. De dauq ranz bang boh de ndaem 3 moux naz. De ndaej 19 bi seiz, boh de dai bae, diuzrap ciengx ranz naekcaem couh cungj dimz youq gwnz mbaq de lo. De aeu ciuqgoq daxmeh ndang mbouj ndei, lij yaek goqhoh daxbuz gyad youq gwnz congz.

Betcib nienzdaeh, nazreih ndaej hawj aen ranz bau guh. De vat gaiq gumz ndeu baenz aen daemz he, siengj aeu daeuj ciengx bya. Hoeng, ganbu ndaw yangh lwnh hawj de, nazraemx mbouj ndaej aeu daeuj ciengx bya, cij ndaej ndaem vamiuz, de cijndei aeu namh dienz aen daemz hwnjdaeuj. Gienh saeh neix bienq-baenz aen gangjriu he, youq ndaw da bouxwnq, de dwg boux vunz siengj fatcaiz hoeng gig huk he.

Ndaejnyi ciengx gaeq ndaej ngaenz, de cam caenicq ciq 500 maenz ngaenz bae ciengx gaeq. Hoeng, baez raemxrongz he gvaq, gyoengqgaeq de ciengx cungj ndaej bingh, geij ngoenz couh dai caez. Boiz

Gojsaeh Boibohliz Gang

钢玻璃杯的故事

500 maenz ngaenz doiq bouxwnq daeuj gangj gojnwngz mbouj dwg maz saeh hung, doiq aen ranz cij deq 3 moux naz daeuj gangj couhdwg aen soq hungloet lo. Daxmeh de souh mbouj ndaej aen dajgik neix, gingqyienz youheiq lai dai bae lo.

Doeklaeng de lij oemq laeuj, dwk bya, vanzlij youq henz dat bang vunz dwk congh coq ywbauq…… Hoeng, cungj mbouj guh ndaej geijlai ngaenz. De ndaej 35 bi seiz, lij caengz miz yah. Couhcinj mehmbwk lizvaen caemhcai miz lwg hix yawj mbouj hwnj de. Aenvih de cijmiz aen ranz-namh he, seizlawz doemq roengzdaeuj mbouj rox.

Hoeng, de lij siengj buek baez ndeu, couh gizgiz bae ciq ngaenz cawx gyaq dohlahgih soujfuz he. Byawz rox, hai hwnj roen mbouj daengz buenq

ndwen, de caeuj gyaq dohlahgih neix itheij cung haeuj ndaw dah bae. Cik ga he goeng lo, de bienqbaenz boux vunzvej. Gyaq dohlahgih de ndaej lauz hwnjdaeuj seiz, gaenq vaihluk vaihluk lo. De cij ndaej lid gyaq ci neix bae, dangq diet feiq bae gai, vuenh ndaej di ngaenz dauq. Caezgya ca mbouj lai cungj naeuz ciuhvunz de mbouj baenz lo.

Hoeng, doeklaeng de baenz boux lauxcungj aen gunghswh ndeu, swheicanj miz 2 ik lai maenz. Seizneix, haujlai vunz cungj rox de gaxgonq gig gungzhoj caeuj ginglig gig cienzeiz. Gyoengq meizdij bae caijfangj de, haujlai gicej sij faenzcieng gangj gojsaeh de. Hoeng, gou cij geiq ndaej aen cingzciet neix——

Boux gicej he cam de: “Youq ndaw ndwenngoengz gungzhoj, mwngz

baengh maz baez doek baez mbouj ndupdaug?”

De naengh youq laeng daiz banhgoeng youh gvangq youh ndei, gwn boi raemx ndaw fwngz de liux bae. Doeklaeng, de gaem aen boi haenx maenh, dauqfanj cam boux gicej: “Danghnaeuz gou cuengq fwngz, aen boi neix rox baenzlawz?”

Boux gicej neix naeuz: “Doek roengz gwnz namh, dek lo.”

“Dou sawq baez he.” De naeuz.

Fwngz de baez soeng, aen boi haenx doek youq gwnz namh caemhcai lij fatok sing seksak ndeu, hoeng, caengz deksoiq, caeuj doek roengzdaeuj gaxgonq doxdoengz. De naeuz: “Couhcinj gou cam 10 boux vunz, gyoengqde hix itdingh nyinh-naeuz aen boi neix rox deksoiq. Hoeng, aen boi neix mbouj dwg aen boi bujdungh, de dwg aen boibohliz gang he.”

Yienghneix, gou ndaejgeiq aen gojsaeh boibohliz gang neix lo. Bouxvunz yienghneix, couhcinj cij miz amq heiq he, de hix rox roengzrengz bae rag cik fwngz baenzgoeng.